


0249

**AWIG-AWIG DESA ADAT
LANDIH**



**KAMEDALANG OLIH ;
KRAMA DESA ADAT
LANDIH**

Kepucak



*Purma
Purnama Kase
Tgl 16 April 2000
Tan
Senin Julung Wangi*

**KECAMATAN BANGLI
KABUPATEN DAERAH TINGKAT II BANGLI
WARSA 1994**

PIDAGING

MAKA BANTANG AWIG-AWIG DESA ADAT LANDIH

MURDA CITTA	WIDANG
SARGA I ARAN LAN WEWIDANGAN DESA	1
SARGA II PKTITIS LAN PAMIKUKUH	1
SARGA III SUKERTA TATA PAKRAMAN	2
Palet 1 Indik Krama	2
Palet 2 Prajuru lan Dulun Desa	5
Palet 3 Indik Kulkul	7
Palet 4 Indik Paruman	8
Palet 5 Indik Druwen Desa	10
Palet 6 Sukerta Pamitegep	11
Kaping 1 Karang lan Tegal	11
Kaping 2 Pepayonan	12
Kaping 3 Wewangunan	13
Kaping 4 Wewalungan	13
Kaping 5 Bhaya	14
Kaping 6 Penyanggran Desa	15
Kaping 7 Indik Pariwertu	15
SARGA IV SUKERTA TATA AGAMA	16
Palet 1 Indik Dewa Yadnya	16
Palet 2 Indik Rsi Yadnya	20
Palet 3 Indik Pitra Yadnya	20
Palet 4 Indik Manusa Yadnya	26
Palet 5 Indik Bhuta Yadnya	27

SARGA V

SARGA	V	SUKERTA TATA PAWONGAN	29
		Palet 1 Indik Pawiwahan	29
		Palet 2 Indik Nyaplan	32
		Palet 3 Indik Sentana	34
		Palet 4 Indik Warisan	36
SARGA	VI	WICARA LAN PAMIDANDA	38
		Palet 1 Indik Wicara	38
		Palet 2 Indik Pamidanda	38
		Palet 3 Indik Rorompagan	39
SARGA	VII	NGUWUH-NGUWUHIN AWIG-AWIG	40
SARGA	VIII	P A M U P U T	40

matak sampah 13.12.2020 ngubo

Bude kilwen matal tgl 11.12.2020

Tgl 11 melis hepanisindak 12

matak ngenteg tgl 12.12.2020

Santa pading nyobis 12

nyerahang cacuran 12.12.2020

Tgl 23.12.2020 memie

Sasih Kapat

MURDHA - CITTA

Om Awignamastu nama sidham,

Putueing Paseban Krama Desa Adat Landih gumawa
Awig - Awig Desa Pekraman maka sepat siku - siku pesatut, wasta
kasidan Prayojanan Mami kabeh prasama angidepeken miah
amanggehaken kadi linggih Awig - Awig iki.

Desa Adat wantah marupa pasayuban Krama Desa ranting kula
warga pawongannya, manut dresta Desa kemanggehang Bhuana Agung,
pawongannya soang - soang pinaka Bhuana Alit, kalih melarepan
canta Jagathita, sinanggeh murdhaning prayojana pangriptaning
Awig - Awig.

SARGA I

ARAN LAN WEWIDANGAN DESA

Pawos 1

- (1) Desa Adat puniki mewaeta Desa Adat Landih.
- (2) Jebar Kakuwub wewidangannya mewates nyatur :
 - a. Sisih Wetan Desa Adat Penaga ;
 - b. Sisih Kulon Tukad Melangit ;
 - c. Sisih Lor Desa Adat Temukus ;
 - d. Sisih Kidul Desa Adat Buayang ;
- (3) Desa puniki kawangun antuk karang Ayah Desa turmaning tunggil dados abanjar.

SARGA II

PETITIS LAN PAMIKUKUH

Pawos 2

Desa Adat Landih ngemanggehang Pamikukuh minakadi :

a. Pancasila

- a. Pancasila ;
- b. Undang - Undang Dasar 1945 ;
- c. Tri Hita Karana manut sada cara Agama Hindu.

Pawos 3

Luir patitis Desa Adat Landih :

- a. Mikukuhang miwah ngerajegang sang Hyang Agama ;
- b. Nginggilang tata prawertine meagama ;
- c. Ngerajegang pasukertan Desa saha pawongannya sekala kelawan niskala ;
- d. Mikukuhin Awig - Awig, pararem lan pasuara.

SARGA III

SUKERTA TATA PEKRAMAN

Palet 1

Indik Krama

Pawos 4

- (1) Sehanan sang jenek mapaumahan ring Desa Adat Landih sane meagama Hindu tur nyungkemin Kahyangan Tiga sinanggeh Warga Desa Adat Landih.
- (2) Sejaba punika sinanggeh tamiu.

Pawos 5

Krama Desa wenten 4 (petang) Pawos luwire :

- a. Krama ngarep, kulawarga sane ngamong karang miwah tegal ayah Desa ;
- b. Krama Tapukan Kulawarga manut aksara a, sakewanten durung antes ngayah ;
- c. Krama Bala Angkep, Kulawarga sane tan ngamong Karang Ayah Desa sakewanten sampun mawiwaha ;

d. Sekaa

- d. Sekaa Teruna Kulawarga sane ngawit mayusa 13 (telulas) warsa ngantos dereng mawiwaha ;

Pawos 6

Ngawit patut dados Krama Desa :

- a. Sangkaning ngamong Karang miwah tegal Ayah Desa ;
- b. Sangkaning nyepih (/ numbas, ngewaris, ngidih lan sepenunggilannya) Karang lan Tegal Ayah Desa ;
- c. mawiwit pawiwahan ;
- d. Sangkaning pinunas ngeraga utawi sangkaning jenek mapaumahan tampek wewidangan Desa Adat Landih saha kacumponin olih Krama miwah Prajuru kangkat ngeranjing mekrama Desa.

Pawos 7

Panemayan tedun mekrama Desa :

- a. Nyabran Anggara Kasih , mejalaran antuk tatengeran sedereng arep ring Krama ;
- b. Paling telat asasih mawiwit pawiwahan.

Pawos 8

- (1) Sehanan Krama Desa keni tetegenan (ayah - ayahan) luwire :
 - a. Ayah nyumek mapiteges urunan miwah ayahan mamungkul saking Krama ngarep ;
 - b. Ayah Bala Angkep keni Ayah miwah urunan manut perarem ;
 - c. Ayah tapukan keni urunan mamungkul sakewanten kaluputang saking ayah - ayah ;
 - d. Sekaa Teruna keni patedunan manut pinunas Krama Desa;
 - e. Prade rikalaning ngayah wenten sinalih tunggil Krama matilar Sadereng puput karya, wenang Krama inucap keni pamidanda tajak laler kewastanin.

(2) Soang

- (2) Soang - soang Krama Desa sane ngerobang keluarga sejeroning mayusa 7 (pitung) warsa ngantos 12 (roras) warsa patut ngamolihang kaweruhan saha keranjingang ring Sekolah 9 (siya) warsa ngantos puput saha polih cihna antuk Krama sane ngerobang inucap ; prade mamurug wenang kedanda manut perarem, saha patut ngemarginin pidabdab sakeng Guru Wisesa sejeroning nincapang kaweruhan.

Pawos 9

Krama Desa kedadosang :

- a. Maposngkid utawi tan tedun apisan, rikala meyadnya manut pangelokika, matepetin, mapewangunan (ritatkala ngeraabin utawi nasarin) miwah keluasan masengker 3 (tigang) rahina, selangkungnyane patut wenten kebebasan Prajuru, lan tios - tiosan manut perarem ;
- (b) Nyada ; nyerahang ayah antuk Krama Ngarep, kangkat mawit yening sampun mayusa 70 (pitung dasa) warsa , lan mademang ayah mawit Krama Bala Angkep kangkat mawit sampun mayusa 70 (pitung dasa) warsa , sejawaning wenten parindik tios manut perarem ;
- (c) Luput petedunan kengin sangkaning dados sadaka, pemangku Desa, pemangku Kahyangan Tiga, Dulun Desa sane cedangga banget tur tan madruwe roban sane patut nedunin anak alit ubuh ngantos munggah deha teruna, lan sane tiosan manut perarem ;
- d. Nekel utawi majeg : nutug ayah antuk berana manut pastian Desa sangkaning kajudi antuk sang mawang rat utawi jenek ring dura Desa ngerereh pekaryan.

Pawos 10

Wusan dados Krama Desa luwire :

- a. Sangkaning :
 1. Pinunas ngeraga sangkaning kesah kedura Desa utawi ngelangkung segara ;
 2. Kenorayang dwaning sampun tan prasida ngesehin solah maprawerti state nguwug kecaping Awig - Awig ;
 3. Seda utawi ceput.
- b. Sang wusan mekrama Tan polih pah - pahan sangkaning padruwen Desa, saha prade ngamong ayahan, patut ngaturang ayahan ke Desa ;

c. Prade

- c. Prade sang wusan mekrama pecak, ayat mekrama malih, kangkat yening sampun kacumponin antuk Krama saha patut nawar ponsub mekrama manut perarem.

Palet 2

Indik Prajuru lan Dulun Desa

Pawos 11

- (1) Desa Adat Landih kaenter antuk Bandesa Adat.
- (2) Bandesa Adat patut :
 - a. mawiwit sakeng kuwuban Krama Desa ngarep ;
 - b. Keadegang melarapan antuk paruman, saha Prajuru soang - soang taler keadegang nyabran 5 (limang) warsa, sejawaning wenten parindik tios kangkat kapilih malih ;
 - c. Patut nincapang kaweruhan ring sulur Agama lan Adat, turmaning tan ceda angga, ceda budi lan sepepenggalannya saha tan kapialang antuk Uger - Uger Panegara ;
 - d. Maduluran Dewa Saksi ring Pura Bale Agung.

Pawos 12

- (1) Bandesa Adat kesanggra antuk :
 - a. Pangliman utawi petajuh pinaka wakilnya ;
 - b. Penyarikan pinaka Juru Surat ;
 - c. Petengen pinaka pengamong druwen Desa ;
 - d. Kesinoman pinaka juru arah.
- (2) Kesinoman akehnia manut kawigunan saha magilir nyabran ngesasih.
- (3) Sajeroning ngenterang niskala Bandesa Adat mingsinggihang Dulun Desa lan Pemangku Kahyangan Desa.

Pawos 13

- (1) Swadharmaning Bandesa Adat Luwire :
 - a. Ngenterang pengelaksanaan sedaging Awig - Awig miwah perarem Desa ;
 - b. Nuntun

7. Jero Pangayah Tengen, pinaka Kasinoman utawi juru arah :
8. Jero Pangayah Kiwa, pinaka Kasinoman utawi juru arah.
- (4) Petias utawi Olih - olihan Prajuru lan Dulun Desa Luwire :
 - a. Polih tanding tengah ;
 - b. Luput rerampen ;
 - c. Paweweh ring Dulun Desa pengangge arangsukan manut kawentenan ;
 - d. Petias sewosan manut perarem.

Pawos 15

- (1) Prajuru Desa kagentosin riantukan :
 - a. Seda ;
 - b. Tutug panemaya ;
 - c. Wit sakeng pikayun rahayu utawi pinunas ngeraga ;
 - d. Kanorayang dwaning iwang pemargi utawi nilar seeana.
- (2) Dulun Desa kawusanang (kagentosin utawi lad) riantuk :
 - a. Telas Penuku ;
 - b. Rabin nyane lina
 - Prade yusan dane dereng tegap 70 (pitung dasa) warsa saha sampun lad ring Dulun Desa, patut mekrama Desa malih dados krama paling alit ;
 - d. Tios ring punika manut perarem.
- (3) Ngenorayang utawi ngentosin Prajuru utawi Dulu-dulu patut sajeroning paruman saha kaingkupin antuk Krama Desa.

Palet 3

Indik Kulkul

Pawos 16

- (1) Kulkul ring Desa Luwire :
 - a. Kulkul Desa ;
 - b. Kulkul

- b. Kukul Banjar utawi Kukul Suks-Duka ;
 - c. Kukul *sekaa - sekaa*.
- (2) Tabuh tatepakatan Kukul Desa :
- a. Kalih Tuludan lambat ,tengeran tedun *ngayah* utawi *parom* ;
 - b. Atuludan Bulus , tengeran *kepanca bhaya* ;
 - c. Atuludan Lambat Tengeran *Pawiwahan* ;
 - d. Limang kelentungan lambat *tenggeran petedunan wangde*.
 - e. Tengeran Kelayu Sekaran (*putus /csda*)
 - 1. Atuludan lambat *kesambung telung kelentungan lambat*,
Tengeran *mitahuang* ;
 - 2. Kalih tuludan lambat *selanturnya nedunang Krama*.

Pawos 17

- (1) Kukul Desa utawi Banjar tan *wenang katepak yening* tan sangkaning pituduh *Prajuru*. *sejawaning tengeran kepanca bhaya*.
- (2) Sang nepak tan sangkaning pituduh patut digelis atur *supeska* maka buatan *panepake*. yan tan mangkana *wenang sang mamurug* kedanda manut *perarem*.
- (3) Suaran Kukul. *tenggeran kepanca bhaya* patut *ketedunin* antuk *Krama Desa saha makta gegawan* anut *bhaya*.
- (4) Kukul *sekaa - sekaa* semaliha kukul pondokan - pondokan tan kalugra *nyawerin (matehin)* sukat utawi tengeran kukul Desa utawi Banjar *prade mamurug wenang* kedanda manut *perarem*.

Falet 4

Indik Paruman

Pawos 18

- (1) Paruman/sangkepan ring Desa Adat Landih wenten :
 - a. Paruman Desa Kawentenang :
 - 1. Nyabran *ngesasih tanpa arah - arah ngangken*
Saniscara Keliwon (Tumpek) saha matengeran kukul ;
 - 2. Napkala

2. Napkala (Padgata kala) maka jalaran arah - arah saha matengeran Kukul manut tetujon ;
- b. Paruman Dulun Desa lan Prajuru , kawentenang nyabran Purnama, Tilem lan Anggara Kasih .
 - c. Paruman Sekaa - sekaa manut pabuat.
- (2) Paruman Desa madudonan sekadi ring cor :
- a. Prasida lumaksana risampun katedunin antuk sang patut ngamiletin saha sampun terem , keriyinin antuk tenggeran kukul miwah mabusana nyalempot, medestar saha tan kalugra makta gegawan sakaluwire, tan maren ngarcana ring Ida Bhagawan Panyarikan.maka sarana widhiwidana cane;
 - b. Maka sarana janggi, pengawit kelaksanayang penyacak sep- sep saha riwusannya nyacak, dadosan gung alit manut perarem ;
 - c. Tan kalugra ngewetuaken suara goro utawi byuta, yan hana mangkana, keni pamidanda pecamil kadi dandaning nguman - uman ring sabha ;
 - d. Pamutus bebawos beriuk sepanggul (ingkup) punika kemanggehang, prade tan prasida, suara makehan pinaka pamutus.
- (3) Prade pidaging paruman tan kaingkupin mangda Prajuru Desa ngilikang bebawos, saha putusannya mangda keraremin antuk Krama Desa bilih tan prasida kasungkemin jantos ping tiga Prajuru wenang nunas bawos ring sang ngawe wenang .

Pawos 19

- (1) Sajeroning paruman Desa , Bandesa Adat patut nyiarang pemargin ngenterang Desa, pamekas nganinin indik :
 - a. Munjuk lungsuring pekraman saha ayah - ayah sulur artha berana druwen Desa ;
 - b. Rencana Prajuru nganinin usaha Desa kapungkur.
- (2) Pamutus Paruman Desa sinanggeh perarem maka pamitegep penglaksanaan Awig - Awig.

Pawos 20

- (1) Sangkepan Prajuru lan Dulun Desa kawenang wantah ngerincikang pengerencana usaha Desa kapungkur.

(2) Sangkepan

- (2) Sangkepan Prajuru lan Dulun Desa tan kawenang ngwedalang tetegenan ring krama sadereng kaingkupin antuk krama Desa.
- (3) Pamutus sangkepan Prajuru lan Dulun Desa ngwetuang pasuara, maka pidaging pituduh sang ngawewenang utawi ngonekang perarem krama Desa.

Palet 5

Indik Druwen Desa

Fawos 21

Padruwen Desa Adat Landih, sekadi ring sor :

- a. Wewangunan suci mekadi parhyangan/penyiwian - penyiwian Desa Adat jangkep saha sarana upacara pabaktiannya ;
- b. Balai Pesamuan (Balai Desa Adat utawi Balai Banjar) ;
- c. Tanah laba Pura ;
- d. Tanah Bukti ;
- e. Tanah Desa (Karang lan Tegal Ayah Desa) ;
- f. Setra apelebahan ;
- g. Gong Barungan ;
- h. Ilen - Ilen Sekadi : Rejang Pendet lan Baris lan pesantian ;
- i. Lembaga Perkreditan Desa (LPD) ;
- j. Tios - tiosan sane pacang manggeh druwen desa.

Fawos 22

Olih - olihan Desa Adat Landih luwire :

- a. Olih - olihan saking pelaba Pura ;
- b. Urunan Krama Desa Adat ;
- c. Sakeng Tanah Bhukti ;
- d. Paica saking Guru Wisesa ;
- e. Paica - paica utawi usaha tiosan sane patut.

Fawos 23

Pawos 23

- (1) Prajuru Desa wenang ngetanggung pampon laba pura lan sepenunggalan druwe Desa.
- (2) Pikolik lan pamponnya keanggan prabeaya pidalan saha wewangunan ring pura miwah sane tiyosan.
- (3) Nyabran pesangkaan Desa. Prajuru pengamong druwe Desa ngawentenang perindik munjuk lungsuring padruwe ring Krama Desa.
- (4) Indik kewentenan Lembaga Perkreditan Desa (LPD) ngange pidatdab manut perarem ;
- (5) Sakaluwiring druwen Desa patut wenten ilikitannya.
- (6) Tan Kalugra ngadol, nyepih utawi ngesahang padruweyan desa yan tan kasungkemin antuk krama desa.

Palet 6

Sukerta Pamitegep

Kaping 1

Karang lan Tegal

Pawos 24

- (1) Krama Desa pangemong Karang patut ngawatesin karang inucap antuk paggehan utawi tembok mangda pakantenannya aeri.
- (2) Wates sisi kaler miwah kangin patut kekaryanin antuk sang ngamong karang inucap sane mewasta magaleng keluwan, sejawaning tanah pecatu, tegal utawi tanah Padruweyan ngeraga sane kapiara watese sisi kelod miwah kauh, reh punika mewasta magaleng keteben.
- (3) Prade kearsayang pagahan/turus inucap ngelikadin, yan pada area penyandinge nganggen pinget kewanen kesaksi antuk Prajuru Desa utawi pracihna pal saking sang mawang rat.
- (4) Prade wenten karang kebebeng mangda keutsahayang wenten pemarginya.

Pawos 25

- (1) Sinalih tunggil Krama Desa tan kalugra :

a. ngalah

- a. ngalah - alah margi, tegal ayahan, karang Desa lan sepenunggalannya;
 - b. ngalah - alah tanah, tegak kayangan, setra, lan sekancan tegak sinanggeh suci .
- (2) Prade wenten sekadi ring ajeng, sang ngalah - alah patut ngewaliang tanah inucap saha keni pamidanda sepatutnya, kadulurin upakara ring pengalah - alah tanah suci.

Kaping 2

P e p a y o n a n

Pawos 26

- (1) Ngawit nandur pepayonan tanem tuwuh patut adapa agung ngajercang sakeng bates, prade jantos ngeliwat wates wenang kesepat gantungin.
- (2) Yening wenten tetanduran ngungkulin, semaliha mewastu mayanin kepisaga patut kewara antuk paiguman ping ajeng prasida sang neruwenang wit ngerebah utawi notor.
- (3) Prade sampun kewara taler tan wenten usaha sang neruwenang, wit sang rumasa katetehan utawi kajerihan wenang mesadok ring Prajuru, tur risampun keparitatas kalugra ngicalang pepayonan inucap sakewanten patin pepayonan patut ketawur manut panglokika sane nepasin.
- (4) Sang keni pamidanda penyanggaskara saha prabea manut perarem arep ring wewangunan sang kerubuhan, luwire :
 - a. Sang neruwenang sang sinanggeh mayanin prade pungkut ngerubuhin wewangunan krama tios ;
 - b. Sang notor munggul utawi ngebah taru tur ngerubuhin Krama tios.
- (5) Krama Desa patut ngemanggehang kawerdian tanem tuwuh sane ngawinang desane asri tur lestari, saha tan kangkat ngerebah taru sadereng wenten wak - wakan Prajuru utawi pituduh sakeng Guru Wisesa.

Kaping 3

Kaping 3

Wewangunan

Pawos 27

- (1) Nyabran ngewangun patut :
 - a. Mesadok ring Prajuru , ping ajeng prade wewangunan nganinin bates ;
 - b. Ngangge asta bhumi miwah gegulak asta kosala - kosali sanistane manut ring petitis niskala ;
 - c. Tan nyayubin kapisaga. |
- (2) Prade wewangunan jantos nyayubin bilih - bilih temboko ring telengin wates, risampun kewara tur kesadokang ring Prajuru, wenang kedanda manut perarem saha tembok inucap kegubar utawi sanistane mangda kekaryanang abangan.

Kaping 4

Wewalungan

Pawos 28

- (1) Sahanan warga desa sane memiara wewalungan (bawi risampun mabelas utawi banteng lan sewosan punika sampun mesaluk tali) , patut sayaga niterin negul / ngelogor mangda tan ngerusakin karang utawi paabianan krama sewos, bilih - bilih jantos ngerajing ngeletehin Kahyangan.
- (2) Prade wenten wewalungan ngelumbar utawi ngeleb ngerusakin karang / paabianan krama sewos, risampun kewara kengin ketaban tur kedanda, ngewaliang wit sane rusak saha naur penebas papiaraan tetabanan, manut pengelokika Prajuru Desa ;
- (3) Prade jantos ngeletehin tegak suci, minakadi pemerajan (sanggah kemulan) risampun keparitatas antuk prajuru , wenang sang nruwenang kedanda mabuhu agung tebasan - tebasan prayascita durmanggala utawi panca sata iwak bebek belang kalung prade jantos ngeletehin Kahyangan Desa utawi pura pemakean.
- (4) Krama desa patut nyanggra wewalungan miwah sarwa prani, Tur tan kepatut morosin sadereng polih wak - wakan Prajuru utawi pituduh sakeng Guru Wisesa.

Kaping 5

K a p i n g 5

B h a y a

Pawos 29

- (1) Pari indik bhaya, luwire : Jiwa bhaya, Artha Bhaya, dura cara ring Agama lan sane tiyosan .
- (2) Sang manggihin kehanan jiwa bhaya, patut nepak kulkul bulus mapitulung anut pawos 16 (2) aksara b.
- (3) Prade ring desa kehanan jiwa bhaya, patut desane ngaturang bhuta Yadnya tur sang mayanin katur ring sang ngawewenang.
- (4) Prade wenten jatma memisu^h utawi nguman - nguman jatma tios, kekeninin pamidanda bea pecamil tebasan prayascita manut perarem.

Pawos 30

- (1) Sang manggihin kehanan artha bhaya (kemalingan), patut ngulkul mapitulung manut ring pawos 16 (2) aksara b, utawi sang kemalingan atur supeksa ring Prajuru desa sane pacang nimbangin utawi nuntun anut Uger-Uger Guru Wisesa saha mawuwuh penyanggaskara prade wenten jatma ngemaling barang sinanggeh suci.
- (2) Pratingkahe mapailon ring dusta kebawos saroro prade wenten jatma manggihin maling tan nyadokang ring Prajuru jantos jatma tios nyaduang patut kedanda kadi dandaning maling, sakweh pengangan wit manut cacakan Desa . tur prade jantos ping tiga melaksana sapunika wenang kasukserahang ring sang ngawewenang.
- (3) Prade wenten jatma ngerereh reramon, minakadi kayu, saang, daun kelapa, ron, lan sepenunggalannya tanpa sadok ring sang nruwenang , prade kacunduk (ketara) patut kedanda kadi dandaning maling.
- (4) Yening wenten jatma ngerajing kepakubon wiadin kepekarangan jatma tiyos rikala suwung, mewastu sang madruwe karang kaicalan, wenang jatma inucap ketuwekang antuk madewa saksi ring Pura Bale Agung.
- (5) Mangda tan ketuwekang manut ring ajeng asing - asing ngeranjing kapakubon jatma tios patut :
 - a. Matenggeran suara (mekaukan) ;
 - b. Nyantoe

- b. Nyantos sang nruwenang Karang rawuh utawi mesadok ring pangapit pinih tampek, maka buatan pengeranjinge ;
- c. Pemedal karangnya kedagingin sawen maka cihna pengarah rikala suwung.

Kaping 6

Penyanggran Desa

Pawos 31

Krama Desa rikala ngawentenang karya suka duka, patut kesanggria antuk Krama Desa.

- a. Prade ngewangun Pitra Yadnya utawi Manusa Yadnya wenang nunas Penyanggran Desa ;
- b. Upacara Pitra Yadnya kamargiang risampun polih uwak-uwakan saking Prajuru lan Dulun Desa ;
- c. Pangerombe utawi karya Gotong royong Krama ngantos ping Tiga selangkungan punika patut katuran pengu ;
- d. Pengu rikala Pitra Yadnya anut abot dangan Yadnya prade sakeng semeng ngantos wengi katuran pengu ping kalih.

Kaping 7

Indik Pariwertu

Pawos 32

- (1) Sahanan warga Desa adat tan kapatutang majejemuhan , ngutang laluhu, mebacin ring Margi Agung tur ring genah sane nenten Kapatutang sane prasida ngicalang pasukertan Desa Pakraman.
- (2) Krama Desa patut ngewardiang ring sajeroning setra Adat nandur sarwa sari mangda setra inucap pekantenannyane asri.
- (3) Telajakan karang sane majeng Margi Agung, Merajan , Karang Sikut Satak patut kapiara nyabran rahina tur katandurin sarwa sari.
- (4) Sahanan Warga Desa Adat patut mebersih - bersih nyabran rahina ring karang paumahan sami sakeng telajakan ring ajeng rawuhing got/kekalen lan Margi Agung.
- (5) Sahanan Warga Desa Adat kapatutang madruwe genah mebacin utawi WC.

(6) Sang

- (6) Sang sapa sira ugi sane mamurug pidabdab inucap patut keni pamidanda manut uger - uger sakeng Guru Wisesa.

SARGA IV

SUKERTA TATA AGAMA

Palet 1

Indik Dewa Yadnya

Pawos 33

- (1) Palinggih penyiwian sewidangan Desa, Adat Landih, luwire :
1. Kahyangan Tiga : Pura Desa/Bale Agung, Pura Puseh, miwah Pura Dalem Pingit,
 2. Pura Puseh Pekarangan ;
 3. Pura Dalem Tangkuban ;
 4. Pura Ulun Suwi ;
 5. Pura Kanginan.
- (2) Rahina piodalan soang - soang Kahyangan kadi ring sor :
1. Pura Desa /Bale Agung rikala Furnama Sasih Kaenem ;
 2. Pura Puseh rikala Furnama Sasih Kaenem ;
 3. Pura Dalem Pingit nyabran Tilem Sasih Kedasa ;
 4. Pura Puseh Pekarangan rikala Furnama Sasih Kapat ;
 5. Pura Dalem Tangkuban nyabran Tilem Sasih Kedasa ;
 6. Pura Ulun Suwi nyabran Soma Kliwon Sasih Kelima ;
 7. Pura Puri Kanginan nyabran Budha Keliwon Wuku Pahang .
- (3) Pengaci ring pura - pura inucap manut kecap Sastra Agama saha kelaksanayang, nista madya, utama.
- (4) Rikala ngelaksanayang piodalan utawi karya sadereng ngemargiang pamospaan patut kariyinin antuk Tri Sandya ;
- (5) Soang - soang Pura inucap ring ajeng kaempon antuk Krama Desa Adat Landih.

Pawos 34

Pawos 34

- (1) Ring Parhyangan Desa Adat Landih kangkat ngadegang Pemangku Kahyangan Desa, lan Pemangku Prajapati.
- (2) Ngadegang Pemangku inucap angka (1) manut dudonan :
 - a. Nyanjaan utawi nasemurang, soang-soang mapiteges mapinunas ring ajeng Pura Desa manawi ring balian sonteng, lan sepengunggilannya ;
 - b. Turunan utawi ngewaris ;
 - c. Kecatri (pilihan Krama Desa) ;
 - d. Mawiwit sakeng Krama Desa Adat Landih .
- (3) Tan kawenang keadegang dados pemangku , luwire :
 - a. Cedangga, luire : peceng , perot, cunzih lan sepenunggilannya ;
 - b. Sang sapa sira ugi sane tan kepatutang anut perarem ;
 - c. Sakit ila, syan, buduh wiadin edan ;
 - d. Sane mederbe kesucian urip tan becik.
- (4) Prabya kepemangkuan :
 - a. Adiksa Widhi (ngawintenin) kemenggala saha kelaksanayang antuk sang ngadegang, mekadi Krama Desa ;
 - b. Mapitra Yadnya riwekas, patut kelaksanayang antuk Krama Desa.
- (5) Pemangku patut ngemanggehing sesananing pemangku, luwire tan wenang ajejuden miwah sane tiosan.

Pawos 35

- Swadharman Pemangku luwire :
- a. Ngabih Dulun Desa rikala ngenterang upakara utawi Yadnya ring Parhyangan Desa Adat, saha kangkat ngenterang Upakara ring sajeroning soang - soang Pakubon Krama ;
 - b. Tan Wenang salab sulub yan mamurung wenang mangku inucap nyepuhin raga ;
 - c. Prade

- c. Prade sinalih tunggil Pemangku Kahyangan Tiga kapiambeng kengin nyelang Pemangku Kahyang Tiga siosan utawi nuur sang Sulinggih ;
- d. Semaliha yen sampun pemangku ngayah tigang rahina ring pura kancit wenten kulawargania padem, mangku inucap tan keneng cuntaka, sakewanten pemangku tan budal selami piodalan.

Pawos 36

Petias utawi olih - olihan pemangku, luwire :

- a. Panyolongan miwah sarin Canang mawiwit sakeng aturan upacara apah tiga ;
- b. Luput Ayah ;
- c. Luput Rerampen ;
- d. Busana arangsukan nyabran ngemasa ;
- e. Tios - tiosan manut perarem.

Pawos 37

(1) Pemangku kegentosin riantukan :

- a. Seda ;
- b. Pinunas ngeraga, menawi kageringan lan sepenunggalnya ;
- c. Kawusanang antuk krama sangkaning melaksana sane tan patut (Asta Dusta).

(2) Prade pemangku kawusang sangkaning melaksana asta dusta, keni pamidanda manut perarem saha ngewaliang prabiya pewintenan pecak.

Pawos 38

Kasukertan Kahyangan kadi ring sor :

a. Tan Kalugra ngeranjing ke Pura luire :

1. Sang katiben cuntaka, mekadi sebel sakeng ngeraga :

a. Sebel kandel ngerajasuwala, selami dereng mebersih ;

b. Sebel

- b. Sebel madruwe putra, selami dereng kepus odel sane lanang, saha sane istri ngantos 42 rahina utawi akambuhan ;
 - c. Sebel pengantenan, selami dereng mabiyakala, miwah cuntaka sangkaning kepademan manut senger ;
 - d. Sebel riantukan madruwe keluarga kepademan/kelayusekaran selami dereng ngelaksanayang Upakara Mesapuh utawi Nyeeb Brahma.
2. Makta sehanan barang sinanggah ngeletohin ;
 3. Krama sane mawiwaha sane dereng ngaturang peserah tan kalugra ngeranjing ke Parhyangan Desa ;
 4. Sato Agung sejawaning rikala mapepada ;
 5. Mabusana tan manut kadi tata caraning ngeranjing ke Pura ;
 6. Sedereng polih wak - wakan (pituduh) Prajuru, utawi Dulun Desa.
- b. Fratingkahe tan wenang ring Pura :
1. Masumpah (cor), sejawaning pituduh Prajuru lan Dulun Desa;
 2. Makobetan, masesenengan, makolem dados asiki lanang wadon, mebacin, mewafih, nyangsang busana, mececepin anak alit, menahin pusungan (santukan punika sekadi rikala mejejahitan patut ngelung busung mecingor lidinya) ;
 3. Munggah tedun palinggih sejawaning pituduh Prajuru, Dulu utawi pemangku.
- c. Sang mamurug kecaping ajeng, keni pamidanda pemerayascita sepatutnya.

Pawos 39

- (1) Yen wenten jatma kerawuhan ring Pura, kengin kapintonin prade rumasa kesumbangsan, yan tan wiakti, jatma inucap keisipan kedanda prayascita.
- (2) Prade Kahyangan kehanan durmanggala, minakadi kepanca bhaya, pemangku Kahyangan utawi Dulun Desa patut digelis nyadokang ring prajuru mangda marumang krama desa tur ngawentenang pemerayascita sepatutnya.

Palet 2

Palet 2

Indik Kesi Yadnya

Pawos 40

- (1) Sang pacang madeg Pandita utawi Pinandita minakadi dalang saluire jagi ngenterang yadnya patut mesadok ring Prajuru Desa kalih Parisada Hindu Dharma Indonesia.
- (2) Prajuru Desa patut ngawas nitenin tur naweng ngalangin prade wenten kacihnan sasar kekecap miwah drestane, tur sareng nyaksinin upakara saha nyiarang ring paruman desa tegep rawuhing wates kawenangan ngenterang yadnya.
- (3) Krama Desa patut ngaturang ayah sepemadeg miwah ring pengelepas sang sulinggih riwekas katuntun antuk Prajuru.

Pawos 41

- (1) Sang sulinggih patut ngeriyinang ngayunin ring wawidangan jagat Desa Adat Landih sesampune puput wawu kangkat muputang Yadnya kejebar tiis jagat utawi kedura desa.
- (2) Krama Desa sami patut sareng ngawas nitenin ketuntun antuk Prajuru, mangda sehanan Yadnya sane kewentenang kaicen pemuput olih Pedanda utawi Pinandita manut kewenanganya soang - soang.

Palet 3

Indik Pitra Yadnya

Pawos 42

Pemargin Pitra Yadnya madudonan manut sekadi ring sor :

a. Pengupakaran sang kelayu sekar :

1. Antuk mendem maka cihna pakingsan ring Ibu Pertiwi selami nuptupang prabeya ;
2. Atiwa - tiwa (upakara pengabenan/pelebon).

b. Upakara upacara Pitra Yadnya riwusan keabenang mewastu munggah daun bingih (ngeroras) wawu kekaryanang palinggih Dewa Hyang Bhatari.

Pawos 43

Swadharmaning lan tetegenan prade wenten einalih tonggil Krama Kelayu sekaran :

(1) Sang kaduhkitan patut :

1. Nyadokang ring Prajuru Adat tur munas tatimbangan ring kawentenannya ;
2. Ngaturin Desa (pengarep lan Bala Angkep) ngerombo mekarya eteh - eteh sawa kedulurin penyembrahma canang sesida antuk ring pengerombo nganter ke setra ;
3. Prajuru Adat maritatas pemargin sang kaduhkitan, napike pacang kependem, makiagean riyin utawi lantur kesbenang ;
4. Indik salah Pati lan Ngulah Pati

a. Melarapan antuk putusan pesamaan Agung Para Sulinggih lan Walaka ring Campuan Ubud, 21 Oktober 1981 sane Kelayu sekaran kadi salah Pati lan Ngulah Pati patut kebawos mati bener (beda biasa), saha kangkat kaupakara kadi ngupakara sawa seda biasa sane sampun ketah memargi, saha kadulurin antuk Upakara penetusan lan pangulapan manut Sastra Agama Hindu ;

b. Sang sane Seda utawi putus inucap aksara a. utawi seda ring dura Desa, Rumah Sakit lan genah - genah sane siosan, sedereng kaupakara, kangkat keajak budal kepakubon nyanne, saha selanturnyanne patut kaupakara manut Sastra Agama.

5. Penyanggran Desa selanturnya :

- a. Soang - soang Krama (pengarep lan bala angkep) nedunin patus manut perarem ;
- b. Ngerombo ngaryanin eteh - eteh sawa, saha kesarengin antuk Krama sane rawuh, maaksian ;
- c. Sami Krama Desa nganter kesetra jantos pemendeman puput.

(2) Tan kengin ngelelet sawa langkung ring 7 (pitung) rahina, tur patut polih pagebagan yening sampun mesiram anut paetangan Prajuru Adat ;

(3) Tan kalugra mendem sawa rikala :

1. Wuku was penganten ;

2. Semut

2. Semut sedulur ;
 3. Kala gotongan ;
 4. Larung pegelangan : Wraspati penanggal/pangolong ping 6 (enem) ;
 5. Gagak anungebung pati, penanggal ping 9 (siya) ;
 6. Ingkel wong ;
 7. Rerahinan jagat :
 - a. Furnama ;
 - b. Tilem ;
 - c. Furwani ;
 - d. Kajeng Kliwon ;
 - e. Fasah ;
 - f. Buda Kliwon ;
 - g. Tumpek ;
 - h. Buda Waga (buda Cemeng) ;
 - i. Anggar Kasih (Anggara Kliwon) ;
 - j. Saniscara Umanis Watugunung ;
 - k. Redite Umanis Ukir (Odalan Ehatara Guru) ;
 - l. Wuku Walanggati, penanggal ping 11 (solas) ;
 8. Wuku langkir ngantos Buda Kliwon paang, (buncal balung) ;
 9. Sasih ke 10 (dasa) tanggal ping 13 (telulas) ;
 10. Dewasa kekeran manut desa adat.
- (4) Prade wenten kalayu sekar, rikala piodalan, kengin kasurupang tan maupakara tanpa sadok tur memargi wengi ;
 - (5) Tan kalugra nginepang bangbang ;
 - (6) Prade sane kelayu sekaran ngadut manik, patut manik inucap kawijilang riyin wawu kaupakara ;
 - (7) Tata cara ngangg setra manut paetangan prajuru miwah dresta.

(8) Prade

- (8) Prade pacang mendem sawa ring Setra Desa Adat sane saderengnyane, tan ngeranjing dados Warga Desa Adat (Kerob) utawi mawit saking Desa Adat tiyos, patut nawur penanjung batu kewastanin, akehyanne manut perarem .

Pawos 44

- (1) Sane kasinanggeh kacuntaka sekadi ring sor :
- a. Cuntaka antuk kelayu sekar ;
 - b. Cuntaka antuk ngeraja swala ;
 - c. Cuntaka antuk ngembasang putra ;
 - d. Cuntaka antuk keruron ;
 - e. Cuntaka antuk sakit-ila/ buduh ;
 - f. Cuntaka antuk pawiwahan ;
 - g. Cuntaka antuk gamia gamana ;
 - h. Cuntaka antuk salah timpal ;
 - i. Cuntaka yening wenten anak istri mobot nenten keupakara pabiakawonan tur pawidhiwidana ;
 - j. Cuntaka antuk memitra ngalang ;
 - k. Cuntaka antuk yening wenten anak istri ngembasang putra sadurung maupakara pabiakawonan tur pawidhiwidana.
- (2) Sengker Cuntaka manut kawentenannya :
- a. Cuntaka kelayu sekar, cuntakannia 12 (roras) rahina manut sekadi loka dresta miwah sastra dresta Desa Adat Landih utawi nyantos Nyeeb Brahma ;
 - b. Cuntaka ngeraja swala, 3 (tigang) rahina ngawit saking ngeraja swala utawi selami ngeraja swala ;
 - c. Cuntaka ngembasang putra, kepus Odel sane lanang ngawit saking putrane embas, utawi ngantos sampun kaupakarayang mekekambuhan tur meperayascita manut sekadi agama, sane istri ;
 - d. Cuntaka keruron, cuntakannia abulan pitung rahina (42 Rahina) tur sampun matirta pamerayascita, lanang 3 (tigang) rahina ;
 - e. Cuntaka

- e. Cuntaka pawiwahan, cuntakania ngantos sesampune matirta pabiakawonan :
- f. Cuntaka gamis gamana, cuntakania ngantos sesampune kepalasang utawi mesapihan tur sampun kawentenang pemerayascita raga tur kawentenang pemerayascita desa adat/Kahyangan :
- g. Cuntaka salah timbal, kapuputang sekadi manut ring Agama Hindu tur dresta ring Desa Adat Landik :
- h. Cuntaka anak istri mobot nenten kewentenang upakara pabiakawonan, cuntakania ngantos kawentenang upakara pabiakawonan :
- i. Cuntaka memitra ngalana, cuntakania ngantos kawentenang upakara pabiakawonan :
- j. Ngembas putra nenten kewentenang upakara pabiakawonan miwah upakara pawidhiwidana, cuntakania ngantos wenten sane memeras sang putra, tur sampun kewentenang upakara sekadi manut ring ajaran Agama Hindu :
- k. Prade sinalih tunggil warga Desa wenten ngembasang Putra kembar utawi buncing tan patut kebawos ngeletehin Desa dwaning sapunika cuntakania patih sekadi ngembasang putra biasa.

(3) Cuntaka Kelayu sekar/kepademan :

- a. Kapendem cuntakania :
 - 1. Pengapit, pemapas/penumbak pekarangan, Desa, ngantos 3 (tigang) rahina saha sampun mesapuh ;
 - 2. Kulawarga ngarep 12 (rolas) rahina saha sampun mesapuh.
- b. Keaben cuntakania :

Sang nyambut karya Pitra yadnya cuntakania ngawit sakeng nundunin reuh riwas yadnyannia (mepegat) saha sampun mesapuh.

(4) Sane ketiben cuntaka luwire :

- a. Kelayu sekaran sane kacuntaka :
 - 1. Sang sane kelayu sekaran ;
 - 2. Kulawargannia .
 - 3. Desa 3 (tigang) rahina .

b. Ngeraja

- b. Ngeraja swala sane kacuntaka sang sane ngeraja swala ;
- c. Ngembas putra, sane kacuntaka kulwargannia sane ngembasang putra lanang wiadin istri ;
- d. Pawiwahan, sane kacuntaka sang sane kaupakara pawiwahan lanang wiadin istri ;
- e. Keruron, sane kacuntaka kulwargannia lanang wiadin istri ;
- f. Gamia gamana, sane kacuntaka sang sane ngelaksanayang gamia gamana lan desa adat nyane ;
- g. Anak istri mobot sane tan kawentenang upakara pabikaonan, sane kacuntaka sane meraga istri (sane mobot) ;
- h. Memitra ngalang, kacuntaka sane ngelaksanayang memitra ngalang ;
- i. ngembas putra tan kawentenang upakara pabikaonan miwah upakara pawidhiwidana sane kacuntaka :
 - 1. Sang sane ngembas putra ;
 - 2. Putra sane embas ;

Pawos 45

- (1) Atiwa - tiwa (pengabenan) kelaksanayang antuk Bia Tanem utawi manut dresta.
- (2) Panemayan Pengabenan wenten kalih Pawos :
 - a. Ngaben Dadakan, bahbangun, kedadosang sejeroning mesengker awaku utawi 7 (pitung) rahina ;
 - b. Ngaben ngemasa utawi nussa nemonia Sasih Kesanga.

Pawos 46

- (1) Pepatusan pengabenan sakeng Krama beras abungbung, kelapa sawungkul , krepitan apesel, daun pisang agulung, katik lan anak.
- (2) Pepatusan ngaben dadakan patch sekadi patas Ngaben Nuasa.

(3) Sang

- (3) Sang madruwe Kelayu sekaran polih pangerombe sakeng Krama ngawit tigang rahina sadereng karya, saha indik patedunan krama lanang wiadin istri manut kawentenan karya tur manut sekadi pinunas sang meyadnya.

Pawos 47

✕

- (1) Sajeroning Krama Desa nyanggra Pitra Yadnya, prade Krama sane nyambut karya matempungang sawa sane mawiwit sakeng Desa Adat tiyos utawi pecak tan ngeranjing dados Warga Desa Adat (kerob) patut nawur pemaub karya soang - soang sawa, akehnyane manut perarem.
- (2) Prade sinilih tunggil Krama Desa pacang matempungang sawa ketiyos Desa Adat sajeroning ngewangun Pitra Yadnya. Krama Desa patut ngerombe ritakala nangieng sawa (ngeplugin) kemawon, ngantos puput ring setra saha sang madruwe karya wantah patut ngaturang panyembrahma sawentena.
- (3) Tios - tios pemargin Atiwa ✕ - atiwa kadi inucaping ajeng indik pemargi - pemargi anut pidabdab perarem.

Palet 4

Indik Manusa Yadnya

1

Pawos 48

- (1) Manusa Yadnya inggih punika upacara - upacara dharmaning manusa, ngawit sakeng patemoning kama bang sajeroning garba, ngantos kelayu sekar riweksas.
- (2) Upacara kadi ring ajeng madudonan kadi ring sor :
- a. Magedong - gedongan duk pengrempinian ibiang ;
 - b. Duk sang kama reka medal ;
 - c. Kepus odel lan roras rahina ;
 - d. Tutug kambuhan 42 (petang dasa kalih) rahina ;
 - e. Nigang sasihin ;
 - f. Pawetuan /oton/odalan (enem sasih) ;
 - g. Tutug Kelih (ngeraja wedana, ngembakin utawi ngeraja singa lanange) ;
 - h. Metatah

- h. Metatah (mepandes) ;
 - i. Mawiwaha ;
 - j. Mewinten.
- (3) Upacara - upacara inucap nista, madya , utama menurut sastra Agama saha catur dresta maka buatan desa dresta ngawinang sima cara desa.

Palet 5

Indik Butha Yadnya

Pawos 49

- (1) Butha Yadnya inggih punika upacara biakala ring pertiwi lan kayangan , sarwa perani saha upacara - upacara ring bebutan.
- (2) Upacara biakala ring sarwa perani, luire :
 - a. Ring sarwa tumuwuh ritatkala tumpek Pengarah (Saniscara Keliwon Wariga) ;
 - b. Ring sarwa ingon - ingon rikala Tumpek Uye (Saniscara Kliwon Uye) ;
 - c. Upacara pakala - kala manusa anut wiguna , kebakos pabyakala.
- (3) Upacara pabyakala ring pertiwi, kahyangan lan bebhutan kewastanin mecaru.
- (4) Upacara inucap ring ajeng, nista, madya, utama, manut wiguna kadi ring sor :
 - a. Eka Sata ;
 - b. Panca Sata ;
 - c. Panca Sanak ;
 - d. Resi Gana ;
 - e. Taur Agung ;
 - f. Panca Kelud.

(5) Sejawaning

- (5) Sajawaning kadi ring ajeng kawentenang upakara :
- Majot - Jotan utawi Yadnya Sesa nyabran wusan ngerateng ;
 - Mesapuh - sapuh rikala pacang wali ring Pura ;

Pawos 50

- Ngangken ngewarea rikalaning Tilas Kesanga kawentenang tawur kesanga . ketah kebawos ngerupuk utawi nimpung maka cihna pacang mapag rainan penyerian benjangne .
- Upacara Penyerian sane pacang kemargiang antuk krama desa :
 - Amati geni . tan kengin saapi - api ;
 - Amati karya tan kengin nyambut karya ;
 - Amati lelungan , tan kengin maoneng - otengah . masuara goré lan sepenanggalannya ;
 - Amati lelungan . tan kengin melunga - lungaan .
- Paberatan inucap kemargiang sakeng semeng ngantos benjangne semeng raris kasuarayang kulkul pinaka cihna pengembak .
- Sang mamurug kecaping ajeng keni pamidanda marut perarem desa adat kemargiang antuk petelik (pecalang desa) .
- Riwus rahina Nyepi benjangne maka cihna pengawit Icaka Warsa patut soang - soang warga Desa sami ngaksama .
- Sajawaning pemargi panyepian sajeroning nyanggra pangawit Icaka Warsa . taler kemargiang penyerian Desa riwus odalan Ida Bhatara ring Pura Bale Agung .
- Indik pemargi paberatan penyerian inucap angka (8) luwire :
 - nenten dados ngukul utawi masuara goré lan sepenanggalannya ;
 - nenten dados nekaang utawi ngeluasang wewalungan lan sepenanggalannya utawi artha berana siosan ;
 - ring soang - soang angkul - angkul utawi pamedal Krama patut kedagingin sawen cihna panyepian Desa saha tan kangkat nerima tamu ;
 - pamargi

4. Pamargin paberatan masuwe 11 (solas) rahina tur risampun tutug 11 (solas) rahina kawentenang bakti pangembak tur kasuwarayang kukul maka cihna pangembak panyepian sejawaning wenten parindik sios manut perarem ;
5. Sapa sira ugi prade mamurug pidabdab inucap ring ajeng wenang kedanda manut perarem sane kemargiang antuk patelik Desa.

BARGA V

SUKERTA TATA PAWONGAN

Palet 1

Indik Pawiwahan

Pawos 51

- (1) Pawiwahan inggih punika patemoning purusa predana melarapan panunggalan kayun suka cita maduluran upasaksi sekala niskala.
- (2) Penglakheanan pawiwahan luwire :
 - a. Pepadikan kemanggala antuk pekraman ;
 - b. Ngerorod , merangkat riyin wawu kakrunayang ;
 - c. Nyeburin utawi sentana nyeburin risampun nganutin upakara pamerasan.
- (3) Pidabdab sang pacang mawiwaha patut :
 - a. Sampun manggeh deha teruna (prasida nganutin Undang - Undang Perkawinan ;
 - b. Sangkaning pada rena (tan kepaksa) ;
 - c. Manut kecaping Agama (tan Gamia gamana) ;
 - d. Kawisudayang (Sudi Wadani) prade pengambile tios Agama miwah kepati wangi.
- (4) Pamargin Pawiwahan mangda taler nganutin Undang - Undang Perkawinan saking sang ngawewenang.

Pawos 52

- (1) Pawiwahan sane kapatutang ring desa sekadi ring sor :
- a. Sampun kemargiang pabyakala utawi pesakapan, kesaksiang sekala niskala antuk Prajuru lan Dulun Desa ;
 - b. Wenten pesaksi Prajuru sane mapakelingang utawi ngilikitayang pawiwahan ;
 - c. Pinaka piteges upasaksi niskala patut ngaturang paberah ring pakraman marupa banteng idupan manut kawentenan sang sane mawiwaha, saha kangkat pinaka aturan sang mawiwaha lintang ring adiri utawi papulan sane pacang kaolah antuk Krama Desa pinaka serana aci Dewa Sakei ring Sanggar Natar Pura Bale saha maweweh upakara apejatian jangkep sesari manut pangelokika Prajuru lan Dulun Desa ;
 - d. Ring Natar Sanggar Pura Gelagah sang sane mawiwaha patut ngaturang pejati apejatian jangkep sesari manut pangelokika Prajuru lan Dulun Desa ;
 - e. Setios kadi inucap aksara c lan d kemargiang manut pidabdab sekadi ring sor :
 1. Prade pamargi paberah kadi ring ajeng aksara c lan d, tan prasida katawur buntas antuk sang kakaninin paling telat 3 (tigang) saha mawit pamargi pawiwahan patut ketawur buntas olih Krama Desa sane nguwuhang utawi ngerobang sang sane mawiwaha ;
 2. Prade sang mawiwaha ketios Desa sang ngambil patut keni prabeya pangelus kerob akehnyanne manut perarem ; ✓
 3. Prade sang mawiwaha sangkaning ngerorod ritatkala Krama Desa nangun karya ring sajeroning parhyangan, sang ngerorod inucap kawastanin ngoda karya, saha Krama sane ngerobang patut kedanda manut perarem. ✓
 - f. Sampun matengeran suaran kulkul maka cihna sampun sah meperabian, saha patut nawur prabeya pangelus kerob akenyanne manut perarem antuk sang ngambil, prade sang mawiwaha ketiyos Desa Adat ;
 - g. Pawiwahan inucap ring ajeng sampun kecatatang ring Kantor Camat utawi Kantor Catatan Sipil Kabupaten Daerah Tingkat II Bangli.
- (2) Perabian sane tan manut kadi ring ajeng sinanggeh tan patut

Tata caraning perabian patut sekadi ring sor :

- a. Sapa sira ugi pacang ngewarangang pakuluwarga patut mesadok ring Prajuru , selanturnya prajuru maritatas anut tan manut kekecap perabiane;
- b. Pemargin pepadikan anut dudonan :
 1. Pakrunan jantos ping tiga , saha soang-soang melarapan antuk :
 - a. Kapertama antuk Canang Takau ;
 - b. Kaping kalih antuk Canang lan Sajeng ;
 - c. Kaping tiga antuk Tipat Bantal Pinaka pamuput pepadikan.
 2. Risampun pragat raris sang istri keajak budal ring pakubon sang lanang, saha kalanturang antuk pabyakala , pekalakalaan tur pepradangan.
 3. Mangda pragat tumus sekala niskala, raris kuluwarga purusa makta pejati matipat bantal ring merajan wadone.
- c. Prade ngerorod/merangkat patut :
 1. Reraman lanange ngewentenang pamilaku antuk duta sekirangnya 2 (kalih) diri;
 2. Pagenahan antene tan kengin ring pakubon sang lanang sadereng mabyakala.
- d. Sajeroning pakrunan /pengelakuan patut :
 1. Kamanggala antuk gene pengampura arep ring reraman wadone ;
 2. Kaigumang bawos idih pakidih utawi pelegayan arep ring pasuwahan sang ngidih saha dewasa pakrab kambean riwekas;
 3. Kecihnayang indik kapurusa utawi prade sentana rajeg kajejerang kepatut ngidih anak lanang sane kebawos pawiwahan nyeburin, tur risampun sulur pamerasan kategepin kamanggehang sentana nyeburin;
 4. Prade tan terima pelakuan pejati, pakrunan kemargiang jantos ping tiga, yening antene sampun nganutin pidabdab sang pacang mawiwaha upakara patut kelaksanayang saha kamanggala antuk Prajuru Adat.
- e. Pekrabkambean

e. Fekrabkambean mapiteges upacara tinas apadang (puput) mapikuren, dwaning manut sekadi ring sor :

1. Sajeroning kabawos ambe, kelaksanayang ring sekala niskala antuk sarana jejauman miwah pewidthidana :

a. Jejauman pinaka ngambe/ngadungan kayun soang-soang pakulawarga wadone;

b. Widi widana pinaka pejati niskala nunas wadone ring pemerajan kemulannya .

2. Sajeroning bawos kerah pelaksana ring sekala :

a. Antuk pesaksi Krama Desa dwaning kekerabang antuk tengeran kulkul;

b. Pamakas penyaksi Prajuru lan Dulu-dulu saha ngilikitayang.

Palet 2

Indik Nyapian

Pawos 55

(1) Pawiwahan prasida kawusang melarapan antuk palas perabian utawi kepadaman.

(2) Wusan mapikuren riantukan sinalih tunggil seda mapiteges balu, mekadi balu lanang / istri.

(3) Palas perabian wenten kalih pawos , inggih punika sangkaning pada lila miwah mawiwit wicara .

(4) Sang ayat palas merabian patut atur supeksa pailikitan riya ring sang rumawos (Pengadilan Negeri) wastu tinas apadang pamutuse kabawos nyapian wawu Prajuru nyiarang kawentenannya ring Desa saha keni pamidanda manut perarem.

Pawos 56

Tata cara palas perabian sangkaning pada arsa/lila sekadi ring sor :

a. Nawar prabeya pesaksi sinalih tunggil sami matenga ;

b. Paganakayan polih pehan pada ;

c. Pabekel, tatadan soang-soang kekuasa niri-niri miwah warisan kekuasa antuk purusa ;

d. Ngeweruhin

- d. Ngeweruhin miwah ngupajiwa pratisentana manut swadharmaning guru rupaka ;

Pawos 57

Prade riwekas sang palas kecihnan adung malih, patut ngelaksanayang pawiwahan malih saha kangkat kadanda akehnyanne manut perarem yadiastu wit palase pecak sangkaning pada lila ;

Pawos 58

(1) Sang balu kebinayang dados :

- a. Balu luh wit sentana (sentana rajeg) miwah balu luh boya sentana ;
- b. Balu muani kepurusa (wit sentana) miwah balu muani nyeburin (boya sentana).

(2) Swadharmaning balu inucap patut :

- a. Ngemanggehang patibrata tan kengin ngemargiang paradara utawi dratikrama ;
- b. Nguasayang waris pagunakayan, tan dados ngadol, ngadeang, makidihang lan siosan punika, sejawaning kebebasang saking pianak utawi kulawarga pinih tampek saking kurenannya prade pianak kanton alit - alit;
- c. Kengin ngidih sentana prade wenten pidabdab sedurung sinalih tunggil padem, saha kautsahayang kabebasang antuk kulawarga singgih kapurusa ;
- d. Kawenangang mawiwaha malih, yening sampun mawaneng tigang sasih, prade kanton mobot nyantos putrane embas.

Pawos 59

Balu kaucap tan pageh sekadi ring sor :

- a. Dratikrama utawi paradara :
- b. Matilar saking pakubon tan pesadok jantos 6 (enem) sasih ;
- c. Lempas ring swadharma sewosan, tan prasida ngecehin solah maprawerti arep ring pituduh kulawarga purusa.

Pawos 60

Sapa sira Ugi Warga Desa Adat Landih tan kepatutang ngerabi wong arabi, prade mamurug kedanda manut perarem saha prade wicaranya tan prasida kebawosin ring pekraman patut kasukberah ring sang ngawiwenang. ✓

Palet 3

Indik Sentana

Pawos 61

- (1) Sentana wenten kalih pawos, sane kaucap pratisentana miwah sentana paperasan.
- (2) Pratisentana inggih punika sentana sane metu saking pawiwahane kepatut.
- (3) Prade pawiwahane tan kepatut ngewetuang sentana, mangda tan kantung kewastanin bebinjat utawi astra yogia kemanggala antuk penyanggaskara utawi sesipatan.
- (4) Prade pawiwahane tan ngewetuang sentana kengin, ngidih sentana upasaksi antuk sekala niskala sane kawastanin setana paperasan .
- (5) Sentana rajeg inggih punika , pratisentana wadon (predana) sane kemanggehang lanang (purusa) tur risampun ngelaksanayang pawiwahan nyeburin.
- (6) Sang sane dados kearsayang dados sentana rajeg inucap wiwit (5) , inggih punika :
 - a. Pratisentana wadon tunggal ;
 - b. Sampun kemanggehang dados pratisentana lanang (purusa) ;
 - c. Kapawiwahan keceburin , kautamayang antuk jatma sane maagama Hindu utawi jatma sane maagama tiyosan sane sampun ngelaksanayang pamarisuda raga ;
 - d. Sane ngemanggehang sentana rajeg patut mapasadok ring prajuru Desa, saha prajuru Desa patut nyiarang ring Desa Adat .

Pawos 62

- (1) Ngangkat sentana manut dudonan patut makacihna artha berana pemerasan sane kesinakeiang sekala - niskala.

(2) Sapa

- (2) Sapa sira ugi krama pacang ngidih sentana patut mesadok ring Prajuru Adat sanistana saasih sodereng pemerasan.
- (3) Bendesa Adat kangkat kawakilin antuk Prajuru Adat tiosan nyiarang ring sewidangan desa, sang sapa sira ugi rumasa tan lila mangda nyadokang masengker kalih wuku sabanen pemerasar ring Bendesa Adat.
- (4) Prajuru desa digelis mawosin saha ngicenin pemutus nepek ring catur dresta miwah perarem.
- (5) Prade sulur peperasan tan manut ring kecaping ajeng. Prajuru Desa wenang ngandeg sang pacang mekarya, saha ngicenin panuntun, mangda kepuputang riyin bebawoe / sulur utawi wicaranya.

Pawos 83

- (1) Peperasan sane ring desa risampun maka cihna :
 - a. Widi widana pemerasan ;
 - b. Kesaksinin antuk Prajuru lan Dulun Desa , sane makelingang utawi ngilikitayang, tur ;
 - c. Kesiarang ring wewidangan desane.
- (2) Sane kepatut peras engge sentana kadi ring sor :
 - a. Jatma maAgama Hindu ;
 - b. Pepernahan nedunang saking sang keras ;
 - c. Kulawarga saking purusa, prade tan wenten kengin saking wadon yening taler tan wenten wawu kengin sekama - kama (saking kayun) ;
 - d. Kautamayang saking waris pancer kapurusa ;
 - e. Sinelih tunggil mawiwit saking kulawarga tunggal sanggah utawi merajan, paibon lan dadia utawi ngambilin anak tios sakewanten sang maAgama Hindu.
- (3) Kengin ngangkat sentana lintang ring adiri, lanang wiadin wadon.

Palet 4

Falet 4

Indik Warisan

Pawos 64

- (1) Warisan inggih punika tetamian artha berana saha ayah - ayah ngupadi sukerta sekala niskala saking keluhurannia arep ring turunannya.
- (2) Sane sinanggeh warisan luire :
 - a. Duwe tengah, mekadi karang ayahan desa, kahyangan, pusaka, lan sepenunggalannya ;
 - b. Pemerajan utawi sanggah ;
 - c. Pegunakaya, tatadan, jiwa dana, hutang piutang.
- (3) Wawu kengin kebawos warisan prade wenten :
 - a. Sang mapiturun (pewaris) ;
 - b. Keturunan (ahli waris) ;
 - c. Artha berana miwah tetegenan (ayah - ayah) makacihna warisan.

Pawos 65

- (1) Ahli waris , luire :
 - a. Pretisentana purusa ;
 - b. Pretisentana predana (sentana rajeg) ;
 - c. Sentana peperasan lanang / wadon ;
- (2) Prade tan wenten sekadi ring ajeng, kang sinanggeh ahli waris:
 - a. Turunan purusa pernah ngunggahang , rerama lanang pekak selantur ipun rerama misan mindon ;
 - b. Turunan purusa pernah kesamping mekadi keponakan miwah mindon.

Pawos 66

Swadarmaning ahli waris patut :

- a. Nerima saha nguasayang tetamian pahan saking keluhurannia, mekadi ngerempon sanggah , pura saha pengupakarannia miwah nyeledihin ayah - ayahan pewaris ;
- b. Ngabenang

- b. Ngabenang pewartis saha ngelanturang upacara - upacara pitra ;
- c. Nawurin hutang - hutang pewartis sane manut penglokika.

Pawos 67

Pengepahan warisan nganutin sekadi ring sor :

- a. Risampun kelaksanayang pitra vadnya lan hutang - hutang pewartis buntas ketawur ;
- b. Para ahli waris polih pahan pada sangkaning pegunakaya, sejabaning karang, syahan desa keamong antuk ahli waris kang sinanggeh krama ngarep.
- c. Sinalih tunggil ahli waris kengin tan polih pahan prade :
 - 1. Nilar kawitan lan sesananing Agama ;
 - 2. Alpaka Guru Rupaka ;
 - 3. Sentana rajeg kesah mawiwaha utawi pratisentana nyeburin , soang - soang kebawos ninggal kedaton.
- d. Boya ahli waris kengin wuponin hasil anut dudonan , luire :
 - 1. Sentana luh, selami dereng kesah mawiwaha utawi alpaka guru miwah prade pianak tan keangkenin antuk wong tua rare inucap, kengin ngewartis wantah pikolih (paguna kaya) sentana luh inucap kemawon ;
 - 2. Balu luh wiadin muari nyeburin (soang - soang boya sentana) ;
 - 3. Mulih dehe utawi teruna, riantukan ring pawiwahane, tatadan / bekel, maka cihna paweweh tetep ring pianak sane kesah mawiwaha.

Pawos 68

- (1) Prade sejeroning pakulawarga wenten ahli waris langkungan ring adiri patut :
 - a. Kawentenang paiguman indik pedum waris inucap ;
 - b. Yen tan prasida katunasang tetimbangan ring Prajuru (kerta desa) ;
 - c. Prade taler tan wenten cumpu ring penepas kerta desa kengin ketunasang ring sang rumawos (Pengadilan).

(2) Prade

- (2) Prade karang inucap keputungan, patut prajuru Desa nibakang ring :
- Sang sinanggeh ahli waris manut pawos 65 :
 - Sang kengin anggen sentana anut pawos 63 (2) miwah (3) ;
 - Prade taler tan wenten cumpu ring penepas kerta desa, kengin ketunasang ring sang rumawos (Pengadilan Negeri) .

SARGA VI

WICARA LAN FAMILDANDA

Falet 1

Indik Wicara

Pawos 69

- (1) Sane wenang mawosin mekadi mutusang wicara ring desa inggih punika prajuru Desa sinanggeh kerta desa.
- (2) Prade sang mawicara tan wenten cumpu ring pamutus kerta desa, kengin nunasang wicara inucap ring sang rumawos (Pengadilan).

Pawos 70

- (1) sahanan wicara mawiwit kecorahan sakaluire sinanggeh nungkasin daging awig - awig, pasuara miwah perarem Desa , Prajuru patut digelis mawosin tan nyantos pesadok.
- (2) Sejabu wicara kadi ring ajeng patut nyantosin pesadok sang nunas bawos.
- (3) Panepase patut pastika nyantenang iwang patut melarapan Tri Pramana (Saksi, ilikita, bukti) miwah tan maren nepek ring Catur dresta.

Falet 2

Indik Famidanda

Pawos 71

- (1) Desa wenang niwakang pamidanda ring warga desa sane sisip.

(2) Peniwak

- (2) Peniwak inucap kelaksanayang olih Bandesa Adat.
- (3) Bacakan pamidanda luire :
 - a. Ayahan panukun kesisipan ;
 - b. Danda artha (dosa, danda saha panikel - panikelnya miwah panikel - panikel urunan) ;
 - c. Rerampagan ;
 - d. Kedaut karang utawi tegal ayahannya ;
 - e. Kesepekang ;
 - f. Penyanggaskara.
- (4) Pamidanda sane katiwakang patut masorenggih manut ring kesisipane.
- (5) Jinah utawi raja berana pamidanda ngaranjing dados druwen Desa.

Palet 3

Indik Rerampagan

Fawos 72

- (1) Krama sane langkungan ring tigang paruman ngelantur tan nawur urunan miwah dedendan wenang kerampag.
- (2) Rerampagan ngangge tata cara kadi ring sor :
 - a. Kelaksanayang antuk Prajuru kasarengin antuk krama tigang diri pinaka saksi ;
 - b. Sang ngerampag saha dareana ngambil artha utawi nyawenin tanem tuwuh. akehnya manut ring hutang sang kerampag ;
 - c. Prajuru Desa miteketang mangda Artha sane kerampag digelis katebus, masengker saasih ring pitung rahina pacang keadoi ;
 - d. Tan nganinin saluwiring artha sane patut inggilang manut Agama miwah tan mademang pangupajiwa sang kerampag.

Fawos 73

- (2) Prade sang pacang kerampag ngewara (ngalengin) pelaksanaan inucap mewastu sampun tan ngsnutin awig - awig desa wenang karang desa sane kagenahin kedaut antuk desanne.

(2) Semaliha

- (2) Semaliha yen wenten purun taler ngalangi pelaksanaan kadi ring ajeng tan wenten pemargi sejawaning kesepakang antuk Krama Desane.
- (3) Pamidanda inucap ring ajeng buntas risampung sang kekaninin :
 - a. Nunas geng pengampura ring Krama Desa riantukan nguak pasubaya (pararem) pecak ;
 - b. Nawur pengargan penguak pasubayane duk pacang kerampang kadulurin prayascita panyapsap keiwangane ring desa.

SARGA VII

NGUWAH - NGUWUHIN AWIG - AWIG

Pawos 74

- (1) Nguwah - nguwuhin Awig - awig Desa Adat puniki kelaksanayang antuk Paruman Desa.
- (2) Awig - awig puniki kemargiang ngawit keingkupin (keraremin) .

Pawos 75

- (1) Sakaluring sane wenten saderengnya patut keanutang ring sedaging Awig - awig puniki.
- (2) Sakaluring sane durung kebawos sajeroning Awig - awig puniki patut kelaksanayang manut tatacara sane sampun memargi kaduluruin antuk perarem - perarem.

SARGA VIII

P A M U P U T

Pawos 76


- (1) Awig - Awig puniki kararemin duk rahina Sukra Paing Wuku Gumbreg Icaha Warsa 1915 Tanggal Masehi 4 Maret 1994, ngambil genah ring Natar Bale Pesusman Desa Adat Landih.
- (2) Awig - awig puniki kalingga tanganin antuk Prajuru Desa Adat kasarengin antuk Kepala Dusun Landih , Kepala Desa Pengotan lan Camat Bangli pinaka saksi.


(3) Luir

(3) Luwir Sang Ngolingga Tanganin :


I. Prajuru Desa :

1. Bandesa Adat Landih, 2. Pangliman,


I Wayan Redana.


I Wayan Meja.

3. Penyarikan,


I Ketut Mudiana.

4. Patengen,



I Wayan Pineh.

II. Pinaka Sakei :

1. Kepala Dusun Landih,


I Wayan Redana.

- Kepala Desa Pengotan,


I Made Naraya.



Camat Bangli,

M. Brahmaputra.

Bangli : 28 Maret 1994.

Reg. No. : 09 Tahun 1994.



BANGGALANING PAMIKUKUH

DAERAH TINGKAT II BANGLI,

AGUS GDE AGUNG LADIP, SH.